

寒
暗
劉
錄
人

Handwritten text in a cursive script, likely a historical document or manuscript. The text is written on aged, yellowed paper and is arranged in approximately 12 horizontal lines. The script is dense and difficult to decipher due to its cursive nature and the fading of the ink. The lines are separated by thin horizontal strokes, suggesting a structured layout. The paper shows signs of wear, including creases and discoloration, particularly along the right edge.

寒暄劄錄卷之四

目錄

邦慶

婚書

譴謫

重試

升擢

宥還

大科

藩閫

罷官

小科

邑鎮

解官

發解

筮仕

就理

赴舉

復職

行役

落榜

赴任

生男

赴燕

過婚

補外

卷之五

目錄

問病

歉荒

課做

囑托

詩什

勸勉

清趣

游賞

請邀

借與

永旱

寒暄劄錄卷之四

邦慶類

五慶游臻三冊將舉臣民欣忭中外惟均○新年吉慶賀儀將舉欣忭之忱何可勝諭○元朝賀儀載舉中外歡忭惟同邊塞望宸之戀想益深也○日吉辰良鑾輿穩旋欣忭何言○天討亟行綍儀載舉臣民慶忭曷有其極○玉候康復甘露普洽神人胥悅○甘澍沛然聖候占翌瘳之喜慶幸欣忭曷有其極○坤聖遠豫之候漸向差安纔有藥院撤罷之命欣幸可言○東宮痘候聖順不日康復

賀儀將行宗社之慶尙有大乎忻祝萬萬○東宮
痘候不日平復中外忭慶何可勝諭○東宮患候
平復嬪宮証形又順慶幸曷極○東宮疹候霍然
將舉賀儀慶忭喜躍當如何哉○聖孫載誕春邸
順經疹証邦慶疊臻忭躍惟勻○神孫載誕邦籙
無疆臣民慶忭曷有其極○慈宮元子宮誕辰隔
日下情欣忭何可勝言○洛奇舞蹈之外無可報
者○連季居外未得隨諸公後共造起居之列北
望悵缺而已

重試類

重試巍擢一何壯也三場壯元世或有之紅白四紙
尤所罕觀瞻聆俱聳欣忭曷論○龍頭巍捷祥玉
寵陞區區栢悅有不可言想雅意冲挹履榮若惕
也○科名重重頂玉簪花仰惟貽悅之孝不但金
泥之喜如此福慶人家所罕尤爲之攢賀○一之
猶難況再乎拾之如芥何其容易也
意外倖占猥膺陞資之眷到底恩造感祝何言○重
忝科名實有踰分之懼殊不知爲幸也

大科類

釋褐固早晚事而芳年大闡香名滿耳區區欣喜豈

勝名論○一舉大闡快副庭闈之望聞之喜悅殆不能寐○才藝登名以爲親榮豈勝嘉歎○科事能中選成名以爲萱堂歡豈勝馳賀○科甲自是尊家事又何足賀耶○昨入都下聞兄蒙賜第之恩驚喜之忱不翅若已得之○見榜眼喜而不寐能學早有成名可謂賢矣惟願益加充闡務自樹立以恭承餘慶區區之望也○某也亦得參一家二人儘是奇事尤可喜也○令胤大闡奇哉壯哉不覺病枕之蹶起爲國家賀得人也喜而失眠而病狀矻矻實無蠢動之勢未卽躬賀恨歎之甚如

添一病○伯允決科在渠捧檄之願豈非至幸○
一哥科慶令人倍賀○二郎魁捷會圍旋魁殿對
誠爲國家賀得人不獨閣下門庭之慶也○令胤
科慶奇喜之極賀不容口○伯氏科慶公私勻喜
病不卽書賀亦未得往與聞喜之會悵歎而已○
賢季大闡固知早晚應爾果如所期栢悅何諭○
賢咸科慶尚未趨賀可歎○卽聞某之擢第不勝
奉賀此雖是渠之才與祖先之餘慶亦君之屈有
以伸之也重以爲賀○胤友榮觀時值方春仰惟
聞喜之席喜氣溢門令人健羨○榮行發去弟亦

隨往山下同過祀禮喜幸曷言想到日慶歡可掬
○某到後慶喜可想而泮主壑欲無厭恐作頭痛
耳

意外獲參倖矣倖矣侍下供歡惟是爲喜○僥倖參
榜侍下多幸○意外占科雖爲悅親之資旣犯不
幸之戒非喜伊憂也○兒子倖科憂懼尤大殆不
知所以自措也○迷兒之竊科犯古人不幸之戒
且以盛滿爲懼也○迷兒科事竊有私家過盛之
懼孤露之餘亦增感咽矣○寒門盈戒孤露增感
○兒子妄發參榜非喜伊懼殿試不入送勾教實

出相愛之至心○季弟科名衰門之幸而還切不
泊之感耳○舍弟科事感舊之懷交切于中殊不
知爲幸也

小科類

蓮榜之喜久當有問病嗽闕然○自聞擢冠上庠欲
遣一書以申欣悅之意而非但病未能爲此在吾
人不足爲賀也○雖小科慰我親心則大矣况又
大於此繫於此者乎願益勉旃○令允小慶奇賀
奇賀○令允科慶雖小宜賀尚稽奉書以申○胤
君小成猶爲晚矣而兄之膝下科慶可謂早達爲

之仰賀○令胤小成至今栢悅其時宜卽奉書而
哀疚之身不敢向人作賀語遂致闕然第切歉恨
○合允榮行之時未及聞知不得修謝至今爲悵
榮門之日鄰宰之赴席者誰與邈焉阻脩恨未能
置此身於其間不見吾兄嘉悅之狀爲之馳豔而
已

分外科名已極私幸某也同榜儘是奇事○侍下科
名非不爲幸而蒼髯欄衫殊覺驚孱奈何○迷兒
獲忝科名屢屈之餘頗用慰幸○大兒小成適值
先人升庠之歲而又辦乃父未能之事私心奇幸

如何盡狀○阿仲與從弟聯參科榜侍下慰幸爲多○渠旣成長而至於成名喜極而悲不勝感愴也○某甥庠選在渠未足爲夥而其慰悅我老姊則大矣

發解類

解榜高中初味可喜○發解高參不勝奇喜講工未熟且遭重制則姑爲陳置以付明季式會似爲得宜未知如何○久阻音信無乃已折桂枝耶○令允發解奇妙○允友發解伏想嘉悅爲之奇喜惟企必捷以慰晚景耳○胤輩解額良賀吾家老儒

落莫何言○次胤解元猶使人望其好音真亦所
謂是誠何心者也可呵○頃見解榜令胤果高中
爲兄遙喜○胤友三餘之工想篤實高捷是企○
令允才調夙茂今科想高中也○令允發解固已
奇幸而久屈之餘終得大鳴允不勝譽賀○暨胤
文字實超高品場屋間非久屈者不覺喜眉先之
兄之有明珠何等慰賀○令允發解令人嘉悅迷
兒亦得參亢喜○令胤高中奇哉奇哉區區嘉悅
之心若已常之講經已爛熟而邑務不至甚妨工
夫耶○昨日朔書居魁其趣如何○庠試二上是

老夫百戰而未得者何其容易也○庠榜高等奇
幸不可言

僥倖錄名非不爲幸而講役當前不無老悞奈何○
倖占解榜而冷屋可硯會工亦不趁課只自悶憐
○會期迫頭老儒得失不能不關心奈何○科事
漸迫病狀如此殆同臨嫁患腫惱撓不可言

赴舉類

科目此迫得無撓惱之端否○政當槐黃可想舉子
之忙○科目隔宵諸具其皆整頓而亦得好夢耶
○慶設擇在某日未知何間上洛做工計耶○棘

圍漸近不免一行回顧萬二千峯霜葉政酣捨彼
就此能不媿於心乎好笑○科期迫止五馬將復
戒駕何間當入城耶在兄則終當爲無味不緊之
行在親友則可以一番會穩聊紓阻想豈非幸耶
○視篆之暇講工想未專意此爲悶念簽羅稍定
頭緒則請暇上來出接着力似不可已也

不自量力妄生觀光之計而凡具掃如悶何可狀○
科期此迫書手尚未句搭可悶○臨科奔忙苦無
佳趣奈何○胎紙所告係是老儒科事見方狼狽
而無處相議茲以專恃奉托設有略于掣礙必爲

掃萬力圖之如何此在營門一號令間切望切望
○連汨場屋積愆未蘇可謂同病相憐奈何○雖
免曳白而人事自多未修安能有望耶

落榜類

恩試又復不遇殊令人落莫○今番科事又成畫餅
仰念渡潮行色咄咄何已○全榜已出又無吾人
姓名科數一何蹇也○令胤見屈可勝咄歎老儒
事誠可悶然○令胤科行無聊可歎道路間關能
卽安待否○令胤昆弟之落榜深用瞻惜屈指俟
喜音竟歸落莫豈數之未至耶何其屢屈也令人

科事得失有數謂之何哉○兩場無味徒添憾損雖
欲畱意於升庠而亦何可易也○初場惠墨飲於
會圍殊可媿也○家弟落榜恨歎奈何○兒子之
科場無味固也一日之鴟豈能踰嶺耶

生男類

弄璋之慶天理回應爾○多男之福人不可及子姓
蕃昌慶之六者不勝攢賀○聞又誕得丈夫子仰
賀曷已老夫人產後諸証亦何如○得書知己無

事解婉又得男子慰喜慰喜○聞搏虎而弄璋何其壯也雖在悲疚之中不覺拊掌而起也○聞已順產此誠可喜男女何足論耶○承有抱孫之喜慰不可言○舍妹想已分娩未知所得如何善喫飯羹否雖或厭進頻勸如何諸般調治之道不待弟言而兄必周詳不爲縷縷耳○入此月來爲台憧憧懸企好音承審所望非璋而瓦落莫之極不知攸諭○老夫人之順產已是可賀而馬往牛當往旣始之於年久之後數三季抱得麒麟卽是次第事以此慰滿少勿愁沮如何○至於珠胎墮空

爲之驚惜

塔添丁之喜足慰親心私幸私幸●童心如昨遽聞入父之稱媿媿●又得一男非不爲喜但產後諸証頗不輕是問○舉家顙企之餘昨纔分娩而所得又是一瓦落莫何言○某婦昨日順產得男奇幸不可言吾家大慶尙有加於此者乎

過婚類

未遂識荆之願遽作瓜葛之親○親事旣已卜吉秦晉之好良慙願幸○親事涓吉曲副我願感幸之私尤難名諭○季胤冠婚之期不遠仰惟嘉悅益

切向蒙來汝之教敢不翼如以瞻盛禮耶○昏期
已迫凡百何以措辦○兩日盛禮幸值晴暖穩過
慶抃益不可勝言○日氣清和大禮順成區區仰
喜安得不越禮而賀也○書慰夜阻且喜吉迫雖
未津備水到渠成力不及者闕之可也吾家固無
珠貝葭蘭之屬而新婦所繫之難得者示之內間
隨有覓借云矣○聞加冠聞委禽每聞喜與感并
○某也突而弁昨又過醮兩家欣滿不可言○阿
戎婚日在近令以在遠不卽見爲悵也○冠子抱
孫情境津津晚福可謂不淺○重牢盛事世所罕

有兼以令孫冠禮祥和滿庭爲之瞻慶豈容言論
○兒婚無事成禮從此宗祀有托豈勝仰喜○聞
妹氏婚禮已過想多感愴且何以措備凡百耶貧
不能助病未能會情理廢矣良可傷歎○頃者從
孫過婚禮而歸聞新婦甚佳實是私家之幸也

附

一味病劣中婚日不遠惱擾可闕○女息婚嫁定於
某處觸事愁惱至欲髮白乃已奈何○助婚之約
昨秋惠臨時既甚丁寧而尚靳信踐良用慨鬱婚
日不遠所須甚緊故茲又仰提儻不忘置而另施
耶○婚期此迫凡具掃如恐無以成樣極悶○兒

婚無事過行新人亦極佳甚幸○昨行迎婦之禮
新人甚佳過於所望從此宗祀有托曷勝欣幸○
兒輩畢婚聊以响响窮人之幸也○昨日又行解
見禮愴喜交至

婚書類

上狀

某官

執事

謹封

時維孟春

尊候多福

僕

之第幾子

某

年既長成未有伉儷伏蒙

尊慈許以

令愛貺室茲遵先人之禮謹行納幣之儀不宣伏惟

尊照 謹狀

某年某月某日

忝親某贇後人姓名

頓首

執事或以宅書之○孟春隨節候書之○一本尊
慈下有不鄙寒微曲從媒議入字○遵或作有
重侍下則祖父為主書以第幾孫承感下則家長
為主書以第幾弟或侄若門長為主書以從姪或
從孫從此○令孫愛
令姪愛亦隨宜書之

伏承

嘉命許以

令愛貺室于

僕

之第幾子

某

茲有先人之禮謹行納

幣之儀不宣伏惟

尊照上狀

一本如此多用於再娶三娶必以未有位德四字有所拘碍又不欲用久關中饋等語也
好禮家不拘常規另撰書或以四六或依古體而用之

升擢類

逃聞明命進位句輔公私攢慶不容名論○晉膺鼎席允叶輿望曷勝爲公之幸○自有爰立之命宜申舉笏之慶○昨夕始聞新命悚躍之極幾乎不寐○赤舄造朝允副昔人加額之望公私喜幸曷有其既○休說前途人手額野梅官柳摠相迎卽閣下還朝時景物也區區慰幸豈後於人而不但

有下堂之憂輒先迎候恐致嚆舌趁起到今慕鬱何極

西銓新命公私喜幸幾乎不寐○新命不出善類同朝之喜不可言○頃聞陞遷秋曹無任欣慰○聞又入內局保護之地想多勞撓爲之獻念○內局又不能免賢勞可慮○復還宰秩瞻聆喜動此豈一家之稱賀而已○日者特除出於知簡之隆想必感惶交切○新除有命北還在邇尤不勝翹企之私耳

陞資固早晚間事而聞有新命豈勝栢悅○又膺陞

資之眷喜賀實深

伯台超陞豈勝喜幸虛耆司一席以待來年○白眉
陞秩欣喜良深○某大父陞秩可喜遠塞宦遊殊
用貢念

非分寵擢已極惶媿而聖念追舊恩教曠摯感祝無
地○意外寵擢揆分惶慄靡所自容○日者新命
又出於衰門滿盈可懼惶悚何言○匪分恩資冥
升可媿○無意之職每隕自天○意外寵擢只覺
兢惶○猥因齒增忽蒙恩數惶感無地惟思隕結
而已○意外恩命久益兢惶以獄案審理長在曹

中孱筋殆藥奈何○猥蒙超資之恩榮幸感激固
萬萬而自惟私分踰濫驟躡至此之極惓恐憂良
不知所出○格外恩資何曾夢想敢料拜命惶感
無地自容○猝當敦匠之任猥蒙酬勞之恩私心
感幸何言○向來恩資尚切負乘之懼○向來特
恩曠絕今古幽明隕結其將如何○恩資惶感歷
日愈深而草草單騎依舊副司直令監而已
兒子榮名在渠爲匪分在我爲添憂若得一薄邑救
飢則足矣亦何望也○特蒙賜賚之恩家兒又蒙
陞資父子皆踰分惶恐之極若添罪戾日夜蹶蹶

而已○家兒祔王之階雖同賞與便是特簡榮感之餘悚懼尤深歷日不安而已

藩閫類

南泉新命喜極公私○始聞嶺臬有命旋已陞辭矣以公則簡畧鄭重以私則寵光隆摯然行事太遽民憂且殷爲之仰念○藩任爲東民賀得福星○觀瞻俱榮○其未得也人皆渴求其已得也每多惱撓未知意下以爲如何○納節在邇又移北關陞擢雖可賀遠出亦不勝悵惘也

意外藩任私計雖幸當塞作行不無添病之慮○意

外又有此新命年衰任重將如之何○意外新除
決非老病所堪悚悶何言○意外廢此關臬而原
隰之驅馳鵲鴒之分蜚實非衰境之所可堪私悶
奈何○經季重鎮罪積尸素而意外新命責任尤
重只自惶隕靡措

家弟藩除分離之懷固已難聊而況其敗局凡事多
憂少喜奈何

邑鎮類

與一卷第類一
粗安類七通看

製錦之試特出聖簡豈勝仰賀○竊經爲學今得施
諸百里牛刀難割想必恢恢也○遠聞出宰喜遂

捧檄之願無計送別祇自瞻望悵然○邑雖薄可
免京口旅宦之苦爲之慰幸○到某地始聞兄出
宰消息窮海僻邑初不見政眼尚闕賀書悵歎可
言○今日聞已肅謝陞辭亦當在卽否雖在京之
日無以頻數從游又此遠送嶺外老懷故悵悵不
佳○捧檄之行其於愛日之誠曷可已乎○陞辭
之期定在何間耶○如可少遲數三日計欲委造
面別而苟其遽發則恐難摻別瞻悵當如何幸示
發行期也○縣在萬山中前野圓平如盤水清沙
白諺所謂滴飯可拾非有上清風緣者不可得也

○此時此任想不愜於雅意用是仰慮不淺何時
當肅謝耶○嶺南素稱繁劇雖似有妨於將理惟
在簡以制煩以令才猷何憂之有○本州簿牒之
浩繁甲於八路以令手段想必遊刃恢恢而終非
頤養之地仰念無已●山水松桂俱叶養閒比諸
畿甸奔走不翅仙凡尤賀●近京之地專城之養
想叶私計曷勝奉賀●大府事繁每爲令奉念而
視弟卯酉奔走豈不是清閒境界耶但南中風土
殊不佳春夏尤可畏必須加意副此馳情如何○
常謂一麾南來而乃西去邈然豈勝悵仰○與令

交承於關外豈不謂之好緣業耶○每想令子何
福緣動作名區主人仙凡路殊未嘗不向風馳豔
○出宰同道實非易得况相距不蒼莽間耶○近
來無邑不受病未知貴治比前果如何固應較前
無可憂而想不無撓心之端奉念奉念○貴邑曾
所歷過外面雖不豐饒實地儘有滋味矣其間亦
已十餘年果未知比前何如也○貴府近成雙局
新蒞能無關心者否

既遞旋仍公私兩幸○纔陞旋仍在執事未必爲得
計而爲南民深可賀也○向來乍遞想未免一場

騷擾○既瓜還仍復當賑政想益悶惱

名郡陞遷喜極公私○今番陞移亦出意外簿書凡
百能免艱窘之患否○陞移非奇事將觀萬二千
峯高卧海仙亭真是平地神仙兄意如何○移陞
南牧若可以貢賀爾關外瞻依之餘遽爾落莫下
懷悵悵何可盡諭○某郡陞遷可謂小川成龍送
我芳隣俾作兄輩源源之地亦可謂有力者所奪
去還用呵呵○倉卒治萍山撓可想假裝諸節亦
復何如○東郡之首擬未幾點不勝歎咄無乃湖
縣朱公瓜日尚淺海上綠葉稍薄而然耶○移遷

得失何足

伯令之領寶蓋地不相遠隣依爲幸殊可賀也○伯氏令兄久滯峽州想不無苦况殊可奉念○伯胤一麾已喜專城之養仲胤兩場又供嘉悅之榮此何等福力竊想暮境爲歡不任攢賀之至○季氏新除邑况雖薄優近可喜

侍下奉檄已是萬幸何論邑之厚薄耶但程道甚遠風土不佳是爲可悶○意外一麾可供菽水之養私計甚幸○意外外除私計雖幸當暑作行預爲關心奈何○自聞移除之報水清途近非不優好

而依庇之下還有分張此殊張惘耳

筮仕類

間有新除相悅何量出處如飢飽云者古人善喻也
第用馳念○新命喜極公私○垂老一命豈足爲
賀而相悅之情亦何能已已○聞君被薦名卿而
以不墜家學爲目力學揚名無忝淵源凡在交親
亦與有光焉令人喜而不寐○得聞新除極欲修
賀而病狀日益困劣不能自振未果○新除特次
第事而區區抃幸亦不能自己人情固如是耶○
有此恩榮區區攢賀不能以筆舌盡喻

賢胤得職雖已聞之及見政眼深切喜幸即欲進賀而無使喚未果矣○令胤得官慰慶難量父子俱入仕路可謂晚景之福

園意外一命不害爲爲貧之仕而若願平昔自期實多赧顏奈何○侍下一命得以悅親莫非國恩感幸何言○晚來初仕何足爲賀從此將爲蔭路潦倒之人是可自歎

復職類

向來甄復豈勝栢悅○春宮異數此實稀觀之盛事也其爲欣踊感誦豈但爲私而已○令從氏桂坊

牽復猶可爲一時疏暢之資耶

意外甄復非不爲幸久閒之餘逐日奔忙悶懣奈何
○雖云復職只是磨驢之踏舊迹何足道哉

赴任類

何日當啓旌節○何當辭陞欲做一夜穩量示之也
○今日旌節已出都門矣弟近來本病又添感氣
委頓既未回敬於在筵之時郭外攀別尤難自力
瞻翹行塵只有江樹之歎○新命纔下旌旆遄啓
病未造別第用悵惘○高牙大纛出按雄藩於令
自是得意之行而於弟則實有踴躍之歎奈何○

聞已辭階節旄來住近地而病不得就別瞻望行
塵只切悵悵而已○餘祝慎驅以慰瞻懸○只幾
令緩帶加護○伏惟令到界神相○在塗凡節不
瑕有損○第念啓行卒遽必多勞攘○今明似當
踰嶺上營定在何日行中體氣不以撼頓而有損
否○上營果有刺史風味姑無他纏繞否○出都
之日適有賤疾未克奔走道周瞻送行塵引領悵
望殆不勝下懷也○左右巡路之歷遍道內形勝
儘愜壯觀之願朱墨之暇竊想奚囊必富○方到
何地原隰之役亦云勞矣○計今節蓋幾返營矣

寒暄寄錄 四

○巡路果已撤還而觀風一路佳作必滿於錦囊
中無由對展只覺神往○原隰驅馳之勞朱墨酬
應之繁比春巡如何

辭陞之日既違拜辭○行旆離發以後絕未承信○
南麾卽發未暇進別○辭朝之日屏蟄郊外有失
拚別迄今耿悵○去時失奉至今茹悵○向值公
故不得就別瞻望依黯無以爲情○五馬西爲之
日罪蟄之蹤無緣摻別迨用耿然○西出之日未
獲更拜叙別悵仰至今○遊伏江湖無以攀送行
塵貴人善忘亦無一字之問徒切黯然之私○企

望行塵不翅仙凡之隔且羨且慙不知所云○方
抵何境交印當在何間○頃日委進阜蓋西下有
日只切瞻恨○想惟潘輿上官歡侍增福○穩奉
輿輿莊莅動履均福○除辭赴任政值靈炎○卽
者人來知到任後平安消息慰幸不勝言○還衙
穩重視政多暇

赴燕類

出疆不害爲一番大游而行邁之役不能不爲之慮
念○奉使燕雲陞辭隔日回瞻象魏想不任戀結
之忱第及此季華方富之日一出遼野縱觀薊門

烟水居庸長城亦云壯遊也○仍惟遼冰剡雪載
驅斯艱在後殷念預覺亟亟乃若宏覽大都壯遊
中州其所以豁皆盪胸拓懷暢思庶幾亦蘇子由
而後知天下之巨麗者也回首而雖悵遐征放眼
則自多奇觀茲猶可忘跋涉之勞慰離索之情焉
但是戀闕之忱離闈之私想不得斯須按撥矣既
無由趨餞茲憑小函略誦其惆悵之懷幸冀在途
慎餐行李吉慶區區情贐無易於此發楮神馳○
上國觀風雖云非昔大地騁目亦一勝事何足慰
惜只祝加飭自愛利往穩旋○拜承行李已戒闕

別也令人茫然不能已○居然隔宿輜軒將西出
矣萬里之遠浹歲之久悵望瞻戀倍令人黯然神
銷○雖廢人事禮宜就別以略布區區而實無暇
隙今又持被經此夜則駕且發矣勢雖使然能不
媿悚○出疆隔宵而病未造拜瞻悵何諭○朝見
陛辭令人惘然有萬里思行者能不屢回顧否○
屏營溪巷末由就別於傾朝餞席○計已敝裝矣
顧此淹滯獨違拚送不覺黯然馳神○朔寒寥栗
飲冰已苦千萬保重利涉長途是區區之望也○
想勻下臨行擾惱不敢奉一書致煩酬應而中心

耿耿何時忘也○別懷千萬何由盡據惟冀節飲
加護珍重百福推其崇庇以及同行也病友所祝
惟是而已○只冀爲國加護○在道鼎茵萬安

衰病日甚且當遠役私計切悶○行將出疆半年家
國之戀預覺黯然奈何○道路不滿三千歸期不
過五月而猶有戀戀知舊之意○遠役關心悶如
之何○方抵龍濟而咫尺胡山冰雪峻嶒一渡前
江京國渺然徙倚望辰樓益無以爲懷奈何

渡江時一書至今置在几案時時出讀如聆談誨○
別時覺前期渺然轉盼間已迫回日日月月迅駛如

此安得不催老也○萬里銜命幸免顛仆道路莫非王靈攸暨只自感祝餘外千萬苦狀不須提說○萬里歸來家國平安慶忭曷諭○遠役纔返衰茶更甚奈何

拜送季父萬里之行私懷悵缺已不可言○昨承家親到柵下書諸節連爲安穩私幸不可言

補外類

恩補非罪伊榮况地峽事簡不害於調養之道可賀無足慰也旣未能拚別從以貽阻此久瞻耿之懷何時不憧憧也○意外譴補辭教截嚴悚凜之極

想必罔知攸措而傳撥疾馳行色蒼黃况復金日
而行雨雪交作馳念行駕殆至夢不成食不下矣
明間可到任所急於嚴命行具踈闊其終無疾志
難可保也未知在途諸節果如何

罪大恩深猶厯仗鉞之榮優遊善地久享名樓之勝
感祝之外更有何言○陞擢太濫恩補曲恕海邑
適少事日對湖山只自嘯詠身計優覺稍安到底
君恩感祝而已○罪重罰輕惶感交並○以罪爲
榮尤增感祝

謹謫類

心外嚴譴驚悚何言○聞有行譴之命不勝驚歎○
行譴之命歷日驚悚不任下誠○竊想聞命震悚
無以爲情稔經之故慮仰倍切○嚴程觸熱雖強
壯者亦難堪其何以得達耶○嚴程冒寒何以抵
達○炎程趲赴之勞水土不服之憂俱令人耿耿
關念○近海炎瘴居停不偃得無撼損節否○操
心慮患動忍增益亦安知非玉汝于成耶○連環
之夢雖切暑濕生疾亦不可不念○窮荒之地百
事皆艱聞米貴如珠醬惡如荼固知隨遇自適區
區者曷任慮仰○自君之去耿耿一念寤寐如結

今見書波濤際天徘徊洲渚意想蕭然如在眼中
把書三歎何能已已○曾在塞外晚間兄編配無
窮之抱如何可言○恩譴南行之日適有祀事不
得出候道周瞻送行塵但切冲悵○暑日行役雖
屬可悶不時恩宥定在不遠亦復奈何○伏惟一
時飭教匪久必有恩宥之命○困不失亨隨處而
安竊爲執事誦之○雷威稍霽宜不俟竟日○所
願善保千金以慰慈闈之念○恩需遄降惟是伏
祝

伯氏文意外行譴驚歎何言○賢胤意外嚴譴想惱

倚閭之情○某人不意嚴譴疾憂未霽遠役可念
匪怒之教悚惶罔措○此中所遭自作之孽也復誰
咎也○罪大逋違恩卑善地懷悚感篆罔知攸措
而寢啖粗遣似不至故人貽念耳○一身死生固
不足恤而遠離親側消息不聞一入海島尤將杳
然矣此何情境○竊海訟愆寢啖粗安○始到配
所棲息粗安不知謫籍之羈孤○居處飲啖姑無
難堪之端不必貽遠念而相望杳然是可悵鬱○
強飯姑安猶勝坡翁之謫况○囚山寂寞之濱忽
奉手教披瀉之至不減清誨○忽傳翰教披瀉孤

懷不啻聞楚之喜○嚴程倉卒華翰追至披瀉感
慰何殊送至藍田○竊海禦魅獲見故人一札可
敵百朋○竊海囚山一紙兩書勞問鄭重披擢慰
感有逾藍田之追送也○老病遠寄舊悲新愁與
日俱深奈何○始到風土頗佳數三營縣有例問
平生慣於食淡似勝於在家之貧而有同虎餐不
免間斷謂之謫福可也○終日杜門看書雖捲卷
輒忘看時有味自不知謫中苦况○寓此以來明
窓暖室朝夕過活多從主人宮中所有其於罪謫
之分主客之道甚不安而感則有之何可忘也○

風土頗佳終日閉戶看書有味可謂忘卻在長沙者也○殘曆無多自分過歲於此豈緣頗厚不見耳故謫福久享而然歟○需書俯存已極窮途之感伴來諸種又出心貺之惠以荷以謝無以爲諭○嶺外遠問兼以五種窮途慰感不比尋常○早晚放歸後會猶期○他日賜環有時幸無急冗意欲拖晉高軒慰此渴仰而亦何可必也

家親所被恩譴久益惶慄西土早寒居停齟齬情私煎迫無可言○從孫宥還無望但水土稍佳得以無病粗過可幸

宥還類

意外行譴旋有賜環之命哖笑俄頃何必痛定思痛也○乍配旋宥旣驚且喜○遄蒙恩宥穩還京第公私喜幸有不容諭○過境所遭無非厄會從此天放之樂可賀而不足慰也○得見邸報恩旨特宥不勝感祝○一時恩譴尤增悚惶畢竟牽復良可喜也○遄蒙恩召想切感祝

伯氏台丈行譴驚歎已極旋卽蒙宥先哖後笑○伯氏台恩宥可幸而潦雨如此北歸徒御必有阻滯之患是極奉念○似聞仲氏自鸞含直向令邊云

意外團聚歡翁可想到底天恩常益感祝也○覽
胤令行禮旋蒙恩宥可賀○某人蒙恩賜環得解
高堂倚閭之憂幸何可言常以其離違親側爲深
慮今以後可以相忘於江湖矣○承所患向蘇某
人亦占差道舅氏亦蒙宥還之命一紙所報皆是
喜音此可以抵萬金也

衰病遠謫無望生全而特蒙霈澤歸骨有期生成之
恩感泣何言○向來嚴譴尚切震懾旋蒙恩宥歸
伏私次莫非恩造惶感萬萬○特蒙恩釋歸護病
慈感戴攢頌如何可諭○恩宥旣出匪意辭章旋

速嚴批來頭事將何爲之一味悶隘無往非罪奈何○九死歸來衰病俱極悶悶○向來所蒙恩數曠世所未聞得見於禍變之餘感泣罔極不知死所○生還故土益不禁馳情○假息島中已是聖恩如天歸對慈顏夫豈夢想敢到聚首攢祝感涕盈襟而已○生還雪崖優荷異渥坯塊窮巷依舊蕭然而已○道塗艱關疾病侵凌之狀在所可略不足煩遠聞也○向間所被嚴教萬萬惶悚日稍久而不敢自安見方棲屑於郊垌悶蹙不可言○南徙北還尙延殘喘得見故人書問於牀席奄奄

之中撫念今昔自爾愴恨

家親歲前宥還仰感恩渥至於卯由供劇之勞奚暇
自恤○某謫蒙釋已歸自家浩然甚樂而居者之
悵殊難爲懷也

罷官類

日前所被嚴旨驚歎何言○意外嚴旨不任驚悚○
向來臺評誠是意慮不到驚惋何已

想已治簿啓程交龜在何日還朝又當在何時○以
弟之浩然想兄之不得下怡然營况之豐則係
戀焉妓淚之多則率情焉○修簿俶裝俱是料理

中事也似必無所爲憂果得收殺坐待新使否東
園春色正待主人若趁此園花之不衰復事詩酒
則數年簿書之勞當在一場過夢而更覺清趣令
之計得矣○治簿諸節想已留意而前見多作刊
印文字之序文此事已了當否

貶辱不勝驚歎之至○意外居士凡在親知之列孰
不咄咄至於點下尤非意慮之所及想兄惶悚若
已當之古之士大夫所以不貴作宰者儘有實獲
言之奈何○既爲五斗折腰則爲人筆端之困前
輩所不免想怡然安之矣○第平日規模雖當徑

遞決無虛簿狼狽之理稍以奉慰
奉職無狀自速嚴譴惶蹙靡措○行已無常所遭罔
極尚何忍言○譴罷之下悚恐殊深○重任獲解
非罰伊恩優宜調養姑免他故私幸私幸○罷解
重任悚慙實深惟以散閑爲幸○見職獲遞從此
可以調病養閒私幸何言○遞邑治簿雖有窘急
之歎罷官歸家實多釋負之幸○近因官罷歸尋
江舍稍能優閑益頌洪私○旋出郊外隨分飲啄
危蹙之中優閑亦可喜也

解官類

體國休戚之義固不以居位去位有間而釋負就閑
得以遂我素願區區瞻耿無任下誠○此時憂虞
想不以卧間而有間也

解節於思歸之日可謂事事從心可喜而巨藩勘簿
一行治還想多撓惱○七十州承奉半百妓嬌豔
一朝棄歸那無悲係而回首之意也○審解藩寄
交代已出欣快之餘想必浩然也○歸計何乃遽
爾虎符在肘非若邑宰之拂袖徑歸求解而解似
未易也

承諭賦歸在邇惟是欣企○意外徑遞得失何居○

第聞比將解紱踰嶺自此奉候亢脊然不勝悵缺
近始解官淡居悵地雖甚危蹙身計頗覺優閑還以
爲幸○奔走之餘昨蒙恩遞可以少歇私幸私幸
○遞職在微誠幸公私而病狀日淡且未能歸卧
田廬以是日夕悶撓○求解之際幸蒙恩遞杜門
蟄伏私計良幸○無官自適實愜私計而中腸殆
殆苦少寧日○從近圖遞已有定計而寒事此酷
必欲伴春還鄉矣○僂同已遞尚未快解薪憂苦
徂公務曠廢悶惱難狀○報瓜之日卽卽修簿須
代之苦度日如季陞辭何如是遲遲耶不能無泄

身名錄
泄○今當離去禮宜進身辭別治簿多撓未暇遂
誠茲修一札庸暴賤悚踈聞之質全不嫻吏事去
後瘡癥想不勝其狼藉隨處調護專恃默運○季
弟之願解重握莫非天地父母之恩感祝感祝

就理類

處陋慮仰出場當在何時○向來對吏不勝悚然○
就理已料其末梢無慮而果卽無事出場伏不勝
喜幸之至○意外之厄至於經夏於福堂暑濕所
傷必不貲爲之憂念○某邑事極可慮若至置對
則豈非厄哉○遠想兄得脫囚厄新福萬重如其

查處未免遲滯何可一刻忘乎○向來狼狽咄歎
何言○春府就吏驚歎曷已此實一時厄會所關
奈何

才以某事喫了四五日畫地之困奈何○久繫冷瘡
今纔脫出而所傷非細委頓度日悶憐奈何○久
滯冷獄受病委頓○才經意外畫地之厄添病叫
痛

行役類

與第一卷類
安類入通看

仄聞西行似不出旬望之間而適此惶遽不敢爲出
候道左班荆望塵之計區區瞻結誠不自勝○行

旆若於旬間離發則恐不得拜別益令人歎恨也
○病伏中伏聞南行已屆瞻望悵缺而已○承遠
行有日令人悵然○明日行役實有關心矣○病
意長時作苦人事都廢同城而未參尋遠離當
前而亦不得握別歎歎何已○病未平而又作遠
役不勝瞻慮○聞當非久作行伏想淡以撓惱也
○再明行期其無前卻否○聞蕭寺之行已啓爲
之馳仰○再明行期無退轉否片帆一掛浩然難
遏爲之悵惘不已○意外路上雲奉猶覺奇幸而
第暮色別顏依依難分關河雲樹倍切黯然○明

發想無進退而雨水稷路可慮且矢要拚以送極
令人黯黯○狂雨雖晴尚有餘意今日路程最遠
泥路多滑以此伏慮無窮○殘炎尚熾待行無人
鞍馬之勞杖屨之牽但切貢慮○徒步行色耿耿
不能忘○某山之行聞來溪慮冒寒之役久客之
苦俱可念也千萬自愛○發行後連日極寒馬孱
僕單何以抵達憂念萬萬○發程後雨勢連日不
開長路跋履恐致傷損耿耿伏慮亦不可勝言○
陰雲欲雨遠途行邁尤貢奉念○書來知己啓程
爲增瞻慰○伊日與某人馳往郊外行駕已逾嶺

悵望而歸殆難定心○覲行想已啓之而歸期亦
在何間○冒極炎驅馳當有愆傷區區慮仰日夕
未弛奉書申候之計姑此遷就只自耿耿○行塵
漸遠第有瞻言○別懷屢日作惡季衰而然歟○
台旆戒路後連日風寒不審行軒今已稅止而跋
涉餘體履萬勝○後期雖不遠將作隔歲之別倍
覺悵惘○其日送人則兄已發程矣瞻望行塵令
人傷神○不審在途行李如何僕馬盤費亦不暇
無闕耶○只祝行李珍衛○只冀行旆利旋○扇
香簞上可作替面之資否須多惠妙墨以酬此意

如何○才返名亭之駕又赴藥山之會想多困憊
之端爲之仰念○仄聞輿御密邇只自馳爽○想
惟卽日行李已返宣闈慰滿靜履依舊欣幸萬萬
○勞攘之餘起處珍齋否○某人已得達否發行
後連值甚寒憧憧一念食息不弛

多日驅馳幸免顛仆矣○間關跋涉幸免添病○原
濕之勞冬夏宜無異而以今所歷言之竊恐寒不
如暑也○冒潦跋涉僅於今日還家此行之無事
歸來專賴兄調護之力其爲感幸當復如何但前
後貽弊甚多是用不安也○歸稅之後不但餘慮

寒暄劄錄卷之四
成病又爲毒暑所惱半死半生回思向來嶺海壯
游優一夢境只自憐歎而已

寒暄劄錄卷之四

寒暄劄錄卷之五

問病類

與第一卷類三類三類
安類三四五遇看

體中欠適不勝驚慮之至○近聞慎節頗淡何等貢
慮○近聞宿患頗欲仰慮之極欲以書仰換而惱
撓未果○伏聞愆度閱月不勝驚慮方欲走倖仰
候而有未遑者○似聞所慎有加無減至於出避
云豈勝驚慮厭食自是久痢本証而溫燥之劑不
宜妄用今見補中益氣方似有添病之慮而病難
遙度不能挽之幸須自諒服之也○此時諸節加
減若何一日泄痢度數幾何而厭食諸証亦何如

耶○愼度快復否○感氣已解耶○久未聞調攝
氣體已就平復否○調中體候若何自瞻病瘳之
狀區區憂念倍於他日○美疚已快差否○卽惟
調體有喜○昨某來言兄白髮非復在此時容顏
云六十之季亦足無怪而長困涸轍重以積季沉
痼亦當有以催之爲之相憐○承審台候少愆一
慰一慮○調候漸臻康復否○浴泉能見效否○
禁苑經夜所愼得無添損節否○水土間甚清涼
緣何以邁五朔之瘧耶○老境一時之愼猶難勝
效况屢月愆候必倍衰白無非維靈之兆奈何○

調候更無餘証而春來民事漸簡愜於榮養否
日間侍湯諸節更若何○仍審侍奉下常有色憂衰
季節居調護誠難豈勝奉慮○伏承下書仰審嘗
藥憂違之中湯候不輕驚慮無已○仰審湯憂未
已不克還官方用奉慮又聞已得遞職可以安意
可病爲之稍慰○夜帶猶未快解則徒御之發想
不容易○第湯患未解殊令人仰念○第承慈闈
愆度一向沉綿爲之仰慮無已○第伏承夜帶未
解愆候未脫然不任慮仰之至○庭候近復如何
事務之都不掛心安得不然奉念

第聞有病憂真慮不已○第聞惟憂仰慮仰慮○兒
患果已快愈否○第聞令愛所苦漸篤爲之驚慮
○承審惟疾之憂少降爲慰多矣○得審兒患良
已尤可喜也○聞兒憂沉重閱月添頓未知其間
果已快廖否仰慮尤不淺○得審遭服且患兒疾
淡用慮念

答

近以某疾委痛幾日久未趨拜方用悚歎伏蒙下問
惶感無已○近得無妄之疾沉淹作苦伏枕潄潄
承此伴問淡用感荷○憂念賤疾屢辱伴訊仰感
盛眷頓覺宿病之祛體也○俯念採薪之憂至有

折簡之問病中欣感何啻拱壁

親病沉重尚無日勝之勢煎灼何言荷此委問良用
感謝○親患幾日苦劇幸得少減而餘証進退老
入元氣日就大脫焦悶何狀○兩親病患近得差
安私幸萬萬

兒病苦劇見方遑遑悶擾何狀○迷兒之病尚此彌
苦蘇變杳然憂慮萬萬○迷豚所苦一味無勝可
悶○幼子以某証屢經危域少得差勢可幸○女
息之病劇歇無常殊可惱悶

課做類

做工想聯牀短檠趣味滋長○長夏工夫又在何書
○近何工夫時與某人相聚否○所看何書所幹
何事并願聞之○且聞簫寺之行已啓竊想山社
靜寂之中益有尋玩之味爲之馳仰增淡○頃聞
夏間讀書簫寺尤恨無由有縑地術也○書冊之
踈踐茅之長其爲慨歎固也○每以病字爲不能
一勤業之歎未知芳季所崇何証耶○估俾工夫似
當不專爲之淡慮○兒輩非科工則雜冗耳遊戲
耳一無志趣相見時須痛加警飭如何○槐黃之
期今無多月北窓涼簟做得何工而一意專著否

○新涼入郊燈火可親幸勿漫浪以犯老悔之戒
如何

開所雖久而冗故多端苦未專意奈何奈何○鉛槧
之工令人欲老白頭賺得之語真善喻也○近與
某某始爲開做姑得日課以文會友亦可喜幸○
揮汗佔俸誠非樂事非但人累科舉科舉亦能累
人也○三餘之工雖免漫浪而一季之學未見刮
目還多歉然○斷續看字之工因以束閣久矣媿
無以舉似於故人之耳奈何○兒子春夏作文秋
冬學書優遊於方冊之間頗覺有益是可幸也

詩什類

既賜寵翰兼以瓊韻若奉清誨於松陰鶴步之間也

○前惠佳什雖未旃和其於吟玩何能已已○壽辰志喜之作諷詠百回仰賀喜懼○書中每有韻語不能奉和諷詠之餘自媿塵襟之索然也○野臺盛詩伏讀再三牙頰生涼忽若復陪牙纛登臨潁泱之間感慰不淺○三復壁間題詩徘徊悵想悅如躬侍杖屨○兩絕雖未旃和幸隨得錄示勿以有唱無和爲嫌如何○楓嶽所得何靳一示耶○前後三篇次第還之果一一視至否後便必示

之也○序文太傷於繁○改以呈今則乃是簡
靜好文字也一字之價尙爲千金況不止於一字
也耶必以青銅多多謝之也○二首華佗點化處
儘好儘好矗樓江流之間所得想日富可以獲瓊
否○倘有近日所著亦無靳袖示○送來華佗積
企之中已覺傾倒而藻思清切擲地當有聲盛水
當不滲珍荷無量○書中吟苦之意可掬○揆閱
略遍謹此奉完○今蒙不鄙授以數軸珠璣恍惚
如入波斯之府瞠然不敢贊一辭矣然勤意不可
孤謹此忘僭批騭於各幅極知汚佛之罪無以自

逃悚甚悚甚○貴稿當奉玩後略貢鄙見矣

口占一絕書諸紙末幸一莞爾也○前月有所作幾
首詩茲以謄上可爲一時代拜之資耶○詩篇姑
未構完容俟後日耳○季來文通不翅如山○某
文不可不一經兄眼故呈去幸評還○試爲評來
諸篇隨意點抹使見瑕瑜亦可○續和之教安敢
辭拙○鄙作書在小紙字語多疊未妥乞回教○
拙語效噴重違勤索向對梅籠有和放翁韻除夕
亦嘗倦應僉此伏呈以俟斤教○拙構謹此呈上
幸博粲焉○口占一律胎紙寫呈語雖拙而情在

是矣○陽春白雪之和非敢擬議木瓜瓊琚之報
早晚何關第於朱墨之暇一賜揮灑以爲傳玩之
資如何○閒居吟弄如候虫時鳥之自鳴天機者
不爲不多而紙貴書艱只以如千首繕寫呈上尚
賜斤教庶幾覺迷而請益矣○拙稿重違勤教略
此仰況而布鼓螢爝安敢較聲光於雷門太陽之
下哉○拙和思苦鈍遲尚有未及敲椎茲送兩疊
覆瓿宜矣若謂有餘債而蒙瓊報則何幸如之○
向索別紙病枕艱辛思得并與前者逋債而書送
三紙幸覽之一笑諒故入之情也○燕行所得非

曰無之既無足向人說道者且此時憂遑難以汗
漫文字往復於知舊之間雖於執事之教未敢如
戒想或俯諒而垂恕否○紀行詩爲數十篇都是
漫興不堪傳筒承問媿甚苟能脫藁亦何敢終秘
於令兄耶○俯索諸篇雖不無一二強拙之語不
敢唐突於大巫之前且徬無書手無以贍寫惟當
於他日合席時可以求教也○先稿獲與寓日謹
慰平昔慕用之忱

勸勉類

連見書爲慰而書辭字畫恩卒如許雖多事之中心

定之人不如此矣○數行之書誤錯如此心下不能安靜之致也不但身勞之可憂也須加意操心工夫可也○遊傲戲劇每易生病須自斂飭勿被外累侵亂○嘲戲太過恐非德人事此病痛恐亦不可也○旅館孤寂惟看書可以免其苦未知能勉之否○優爾放倒與雜客下流狎昵戲謔評論女色是何等坑塹何等羞辱而忍自棄身於其間耶如此而自謂清潔不污人誰信之○得失有命雖親戚熱門不可曳裾也須斂遠守分可也○交遊不如守靜清談不如讀書○令於應物之際不

無過執之處隨事反隅略加通變則實爲無欠矣
○所問未必的而質言如此何耶殊非謹厚之道
反省如何○吉凶拘忌不可盡信又其言使禍福
殃慶不歸於善惡甚可懼也○詬辱之來亦安知
令聞之增一倍也○此等事亦皆任情輕着不顧
前後可欠○極意消詳以解鈍滯之惑千萬至祝
○不須乘忙了當從容爲之可也○須善終是望
○亦善思之可也○令胤有書慰荷而病未作答
爲媿筆則勝而文不進須令勤讀如何有年少同
學者得友同處最爲益矣

竊想講度之已熟而忝在僚末不敢自外略貢賤見
倘荷恕僭而俯採否○既有所懷又復妄稟竅增
惶悚○區區賤悃殊不自安不得不略暴情實○
臨書漫貢可諒此心否

竊承來示反覆丁寧良感不鄙之惠○戒勗之辭敢
不虛受○別紙所教至當至當○責諭之來敢辭
不敏○適承誨諭有感於心○某說庶有契許之
意良幸○加以逾志之恕千萬開示○衰病索居
尤悔日積盛諭殊不副實媿汗媿汗○稱道太過
非此老所可堪任者無乃知人過誤耶非所望於

吾友○所詢二條率爾報去竝希斤教○如某無
方且受教於人之不暇豈有可以教人者乎

清趣類

日氣甚好何以消遣耶○板扉晝掩只有鳴禽求友
○山居無事日月閒暇無非聖化○溪花盛開綠
水長沙柳晴登岸麥苗滿野此最樂聞○雨後江
園消息令人發喜○水亭翫易之樂又何發人好
意思耶○溪上一石一木皆可娛玩都是得地中
所樂令人慕羨益多修幾多厚福而得此耶山人
過此又傳新杜元如仙境事○閉門累日益無人

事白雲秋景都付夢想○江上養鶴閒居三公之
所羨慕不得換○秋氣已入園林日夕清氣足以
忘疾○林木翳如蟬聲與澗響相雜未知宣化堂
中亦有此勝否○殘雪踈離日覺有趣味殊幸
江上冰消難頭出舟此新春好消息恨無由縮地相
會以共吟風弄月之趣也○湖亭之勝想來輒覺
神往況日有臨泛之樂此何異活畫中仙人耶○
溪花爭妍鳴禽求友此時一念未嘗不憧憧往來
於左右也○溪居無事陽阿日暖澗波溪茗皆可
以發興此尤故人思想處也○無職事之來逼而

江榭閑趣依舊自有否江光可想一倍生色爲之
馳情不已○雨足田園之喜可想而况江亭霽景
如畫圖益用傾湖之至○雨過泉脉必壯聽流軒
想亦一倍清爽而無緣往陪杖屨此恨如何○塘
水坐看如湖湖水可想如海此時恨不得陪杖屨
高吟尋瀾之句耳○不待重陽黃花已滿開每舉
泛英之盃何嘗不懷仰高風也○今日是重陽東
籬物色果要如何○積雪崢嶸星斗闌干自是奇
境而恨不與會心人共之○備語靜中樂趣有如
親侍几席其爲欣慰不容名喻○湖山接隣之計

漸至差池是亦造物兒之戲耶○湖上景物之示
實令人懷事作惡何日當得好風謀占二頃於舊
里復與兄輩逍遙於澗水松聲之間耶世上事多
不如意是可長歎

遊賞類

海山遊賞之計可想身事閑適無有惹絆令人歎羨
○邊塞山川人民謠俗一遭歷覽尚可以慰少季
壯心耶○香岳之游果無進退否顧以秋務不克
抽出塵事與僊緣信乎其遠絕耶○春間作山海
之遊得以一登楓嶽東臨大海北自叢石南至竹

西仍爲暑雨所阻過夏於越中昨又乘船順流歷
檣北壁龜島直至寒碧樓下捨舟西歸凡所游歷
皆從者之周旋處也每到佳處未嘗不奉懷高風
而追恨其不少留以作我主人也○昨入白雲盡
日而歸頗得舒暢幽鬱某友同游必能道其詳也
○再昨入山領略諸勝楓葉雖晚真面可愛但行
色怱遽不能遍踏而歸是可恨也○海嶽奇游幸
躡後塵拜辭以還下懷冲悵○一綽跳來仍入德
峯之雲水寺千撓百惱倏覺消去待吾歸顏色鬚
髮須有以驗之○入山四日滯雨正陽今到摩訶

夕投榆店蒙兄端送廚傳一行得以無事受賜誠
大矣感荷不可言○賴兄眷顧得以冥搜山海奇
勝此實平生宿願願覺心眼俱豁○山海巖壁之
間多見盛名之畱題可想先我着鞭浚幸追躡後
塵耳○倘於叢石歸路行色不遽則敢不迺造耶
○二奴荷此勤借賴以指路多謝○海岳春遊未
窮奇變至今有餘恨天以白雲紅樹糝點別景厚
餉執事仰羨無已○瞥過名區輕肆雌黃得不爲
江山之所笑耶○游觀之法會心爲上記述有無
曷足損益哉○回想雲臺勝覽如張博望新從星

漢歸持以自詭今承閑山鳥泛月之教不覺惘然
自矢自此蠹樓浮石領略無窮則祇有壤虫之歎
耳○待秋氣漸涼可以匹馬從游兼賞山水之趣
可展無限所懷○欲趁楓葉之酣一賞蓬萊秋色
而俗緣多魔何可必也○若待明春花暖時節一
作上流之行或可以清心神勒之間而亦何可預
期也

請邀類

仲兒冠禮欲行於今某日而笏記之詳備者甚難得
聞兄所謄畱精本幸借示之如何其日無他客幸

攜令允賁臨如何○明日將行豚兒醮禮所速者
若干親舊而皆有故望兄千萬休托早臨于新門
外陋止兼作敘別之懷如何○先人延謚在今某
日偶蒙賁然臨枉俾客筵增榮則何感如之竊爲
之凝企○今日卽舉國同慶之日也飾喜之游想
不待更提而台必來會矣○上元踏橋蓋出消息
之義而月色甚好金吾弛禁須與某友攜手惠臨
縱觀康衢太平之像如何○和煦舒長百花暄妍
此時訪隨之行有不可緩已與某人約會於南麓
而略辦濟勝之具兄須飯後來臨如何○今日尤

覺暄暢庭畔新植又欲綻紅此時何可孤也恐不
可以昨夜霎時之會塞責而止早卽惠臨以爲終
日打話之地亦具一器佳肴而來如何○燈夕登
高俗稱良夜之遊而煌煌火城亦固壯觀聯步徇
徉之餘歸到小堂設酌款話以爲如何○此乃某
友書也牛山射候之遊甚好甚好美病稍痊可能
移屨得以終日暢懷於松陰澗響之間則亦豈非
一段勝事耶○積雨初霽繁陰生涼欲往觀春臺
泉石仍爲濯纓之計兄須掃萬偕往如何○明若
開霽當發軔前進尊若快健則可能於劒湖理釣

具以待否○泝流之遊不必張大痛刪虛具只帶
一漁一艇可也○重九之約苦恨其遲而萬事從
來忌有心亦不須輕泄以招魔也○東籬物色經
雨益佳飯後卽來臨以副天餉之厚如何○今日
是重陽也將把泛菊之盃踏遍北城紅葉老興固
自不淺而此行不可無足下可能擺脫俗冗而興
之偕耶○寒霜初落紅葉可愛適得一壺佳醞可
來共酌否○積雪初開霽月方升旣肯惠然則今
夜不可孤矣○新釀初熟宜共邀月之盃美疹旣
霍然何不惠然俯臨耶○酒熟月明家僮皆知故

人之當來率爾倏然之來往不復見於今夕耶○
今日蕭寺之行亦是清事想興致翩翩也有奉贈
者暫爲歷入如何○切有面議事且爲兄煮艾羹
設夕飯幸望無托卽來以爲溫飽聯枕之地如何
方掃榻以企耳○卽有仰商者而非面不可幸暫
臨如何○極知坐屈之爲不安而兄我間豈以爲
嫌耶○近日何靳一枉卽有緊緊可聞者卽爲惠
臨也○日前欲枉之意孤負迎擊至今悵歎今日
如無事閒養或可肯顧否如無所騎鄙髡當牽送
矣○此地樓觀雖不及寒樓睡堂之勝絕亦頗薄

有佳致安得與兄攜手同憑觴詠於其間以續楓
岳舊遊耶無心獨上悵惺倍切從速一枉以做佳
會如何○日暖風和淚上樓臺政合登覽且望間
因公有營下之行執事未可趁此一會否吾輩關
外相會亦缺衆難得之事幸須亟圖之

令胤冠禮獲被盛速敢不進赴而昨夕以來猝患暑
感冒雨出入恐致添苦不得趨參末席極用瞻歎
○喜懼之日壽席將設忠養至情靡不用極其爲
攢慶尤何可勝連荷倅速明當進拜耳○教意謹
悉以身有重服之故親舊設慶之處皆不得往赴

而此則似與盛宴有異因此爲叙豈不爲幸但同僚方苦請替直若不入直則當委進以拜○某日有忌故勢難進參於盛禮恨歎如何○伏聞今日追舉壽酌爲之慶豔乃蒙以忠養之餘及人之老意至物嘉珍戰曷已明夕之會敢不往赴耶○辱速敢不樂聞卽當翼如矣○明日之事湛樂融洽可想恨此牢蟄無由致身孤負盛意媿歎奈何○辱招宜卽赴而適有公冗未果至今悵仰其後又汨病憂闕焉無報謝茹歎尤深○看花之約緣弟有病旣失其時至今恨歎迨此殘紅未謝更爲亟

謀之如何○浴沂之會不覺神往而適此坐齋無
以赴召甚悵甚悵○濯纓之行可謂如瀆得搔新
釀不多止有一壺子故茲先送之而醉翁之意不
在酒則雖無酒亦何妨耶某友適在座卽當拉去
耳○承有江獵之教聞來神饗老杜窮甚猶不廢
漢陂之游願此癖於烟霞者豈有落後之理○旣
望泛湖之遊不覺喜稍先嘗當與某友聯鑣出去
濟勝之具善爲料理如何一簫恐不可已也○對
黃傾白正當其時而感嗽未解尚此孤負一會恨
歎當如何○兩日大雪不減山陰而畏寒蟄伏無

以乘興遠訪良可媿也

不成昨日之會倍切終宵之戀卽荷見訪之示甚慰
甚慰端居無聊豈有他冗耶○見訪之意真所謂
正欲請言聞客至者也何喜如之○昨日惠覆無
非絕倒處何異親接色笑也况承三白真率之會
卽在目前其喜如何○時時小集何至有太康之
懼耶去夜推戶而視重雲卷舒月光穿漏庭虛無
入雙梧交影欲起行池岸無與共之者怊悵良久
還自掩戶想來此間境界必不憚移屨之勞也○
今夕之會雨爲之魔可歎而晚後西風微起安知

不重陰之捲而塗泥之乾耶

借與類

某冊送呈獨覽勿轉借如何○二冊謹此奉完此下
二冊亦望許借○送來冊子俟細觀奉報姑畱之
耳○來冊早晚何關耶○某冊方耽看講熟之前
有難暫捨借之一字還爲持去如何○某本奉玩
還納○某冊伏受精力所及眷念所暨不敢爲尋
常謝感語○某冊蒙此遠貽固知酬應紛如而何
能念及於此耶不但一帙好文字得賁書廚亦認
勤眷非止爲尋常感謝而已○某冊卽惠之諾久

無皂白可菟功名之醉人固非異事而何相忽之
至此耶○洛奇漠未聞知荷此諸紙之投示賴以
破菟受賜多矣謹此覓上○朝紙政割榜眼荷此
端示無非新消息得之於久菟之餘賴以破讐何
幸何幸并謹此還上前來者亦謹受耳○來紙覽
還此後亦望續示如何○某物誠荷久假之惠○
某物非忘之也方有自鄉來者而未及入手要之
此月內可以奉完幸姑候之如何○某物遷就至
此此豈始料所及雖無提教方極圖之數日後當
有以奉報也

水旱類

兩旬熱陽百穀無不受病渴悶不可言○跨朔亢旱
欲令人白盡頭髮○若將祈祈旋復杲杲○峽農
之災旱勝於水書後若能大雨則庶幾免大凶耶
兄是妄靜有福氣者豈有賙飢勞心之慮耶○旱
餘得雨節雖過晚而滿目青色差勝於赤地時未
知果能有秋否秋熱而霜晚則猶庶幾矣此則在
天令人祝望○自曉有雨意先以霖霖沛然注下
願祝顒祝○大雨始降農望則快滿而又恐其太
過也○今始雨下一夜之間慰滿三農公私大幸

而但恐又極備耳。○今幸得此滂霑百穀發悺可
期食實而昨日以來東風連起冷雨不止此又農
家大忌不勝憂悶。○風雨之如干致傷可勝咄咄
而亦不害爲大登。○東風爲災木綿事誠可悶而
近日日氣又調順萬無如昨年全失之理須勿過
慮也。○極備極無迭相爲災公私憂悶如何可言
耳。

歉荒類

一路民事雖無議賑之憂猶不可謂豐年太守不至
有大關心耶。○麥農違料厲氣益熾爲民之憂不

以大小而有間時自思惟終不如家食之爲便想
執事覽此而有同病之憐也○一路民憂農形果
如何時氣尚未息歇終有來頭無限之慮奈何○
麥事之終違始料誠可歎惜而目下秋農舉有大
登之望此後無他災惟是企祝令心想亦如此矣
○麥事判歉之由已悉於牒辭而始被蟲傷終爲
雨損多有掛鎌不得處其中稍勝者亦全不成實
雖謂之大無可也○長霖之餘久旱如此道內農
形果如何關東則浸於水傷於枯恐不免失稔大
是悶事○向來風災忽在久旱之餘穡事多被傷

損未知貴道果無此患否○道內農形之向登儻
是福星所照而兩沿麥荒似費多少關念定數外
加分果依諸道例量宜加請否○似聞海邊水畜
全不掛鎌筒內民戶或不免流散之嘆果然則民
事必不能全然忘憂奉念○荒歲民憂能不上眉
耶○歉歲簽捧想益紛汨何以排遣○赤地之慘
聞有甚於此中滿境飢餓之民何以濟活耶○既
受一邑之責當思所以救濟之道未知何以爲計
○賑憂雖淡只思徐徐應之毋躁擾自可就緒爾
○海邊昨季水災非細春來能無顛連之患否○

朱夫子以浙東游飢單車就道豈非後學之指南
耶○道內六七沿邑雖曰被災惟本邑爲最殆有
甚於乙亥壬午之歉荒誠罔措前頭賑賑凡事專
恃執事周章○賑事想已過半民不至死亾而穀
物無不足之患否○大歉則救之政想極焦勞而
恩褒鄭重寵賚優繁榮感之餘報答之憂必當無
寐爲之奉念○歉歲公都會之爲饑民邑極不少
且無關於慰悅多士何不請退行耶似亦有已例
卽爲狀請如何○西土饑荒連歲孔慘其何以經
紀以濟一方生靈也憂虞不暫忘也○一路災荒

癘疫憂患孔棘想按道之責尤大於各邑貢潮不
淺○承道內農形大無不識何以經營以副一方
之望也○瓜至未歸又當大賑獻念無已第受重
寄惟當盡吾分而已奈何

囑托類

某人有所言於座下今此委進幸邀接另施如何此
非甚干請事須勿厭看也○此去白足即宗僧望
須招見賜顏○某人素所親切間而且於某友甚
緊有事本收今方進去幸即評問延見款遇隨事
曲施如何○某人門下親愛者已有田土於治下

札傳

爲看秋下往而且欲踏驗須賴官方傳書後招見
賜顏隨其所懇許施之如何○要得一言以完其
事人情安得不然幸隨其所告拔例另施至仰○
某人卽親族相愛間爲遊覽方往西關幸望招見
款接以爲生色如何事極非難取此煩澆○羅致
此友於几案間試聽其言論與之酬唱則奚特吹
竹彈絲之可解憂鬱也

胎上書角如有邑僂幸命入襁俾卽傳致之地如何
○此紙自營憑邸下送如何○此札到卽傳送於
某文謫所令亦加意存恤以生同朝光色如何○

此去書出傳于某家受答付之速禱如何○家弟
行中因便送一書望須討其往來便傳送也○某
處答札已討來耶道路絕遠憑禱未易不得不藉
執事威令以圖嗣音之計○此書恐或阻闢作外
封踏印以去耳○無近便則當自此轉送此回裁
書以投如何○舍兄邊所惠墨封書角亦依到當
因便謹傳

附

族兄某新寓於治下某面貧士寓况事事辛酸若非
官府顧藉則尤無成樣之望幸於覽書後不必例
施存問即爲送吏傳喝邀致一見可知其爲人決

不害於政體仍與過從隨事顧護如何此兄卽某
官某氏之弟似或一面如舊矣○某人是文雅之
人幸以雞酒存問俾生光色如何此乃緊請須另
施也○某家田庄在於某面某里而某人爲秋收
才已下去幸以雞酒存問俾藉官威得成所幹如
何○某家田庄在於治下爲其收拾纔送親信人
方住某處卽爲存問如有所控一一採施俾免齟
齬之患至仰○某人今因收稅下往治下而如非
官家顧護遐土人心難保其不狼狽幸卽存問款
接以生光色如何此是至切間所托如是纓煩更

望毋泛另施之○治下某甫此土望士也儒林執
事無不可堪幸望存問斗護也○治下某地某卽
緊切緊切人也每欲以書仰懇而撓汨未果矣鄉
居不可無者自官生色幸以雞酒卽爲存問亦必
隨事顧護俾有萬文光彩如何○某人有戚誼而
素親愛者也鄉村得官家問安則鄰比聳然幸以
雞酒遣一吏存饋獲生光輝如何○頃送某姊家
稱念似必另施不復煩縷而新寓遠方凡百之艱
楚想來悲憐幸須隨事曲念俾得保存甚仰○某
人爲過子婚今方下去遐鄉凡百自多奉資於官

羅

門而煩皆不敢最是團領紗帽他不可得伏望暫
許俯借如何請非難施而撓惱中或易遺忘更乞
月念毋致狼狽也○某醫得蒙顧恤與有感焉
某人素所親切而且淡於醫故每有病憂輒賴其力
其欲相厚豈有量哉今當春窮種糧俱乏方此告
急無以救濟甚悶甚悶聞其家借戶受巡還云若
合等都受則可以一時聊賴此與別還有異幸以
此緊切之意書告于阮丈以爲拔例俯施之如何
○某人請糴事因某友懇托前後書與面及之屢
矣想記有之也第此胎上依所請許題後元狀即

爲出付面主人或面任以爲及時受出之地切仰
○頃議別還事當以某名書呈狀子而若或循例
塞責甚失所圖山役及窆禮時前後糧資亦極不
貲而專靠於此俯諒優施之如何○查家別還事
蒙此快施弟受其賜也感幸不啻千萬小地名卽
某處也書簡裁上與私通同裏卽卽付送受答以
投之意分付如何○亡妻窆禮時得用某邑還米
幾石約以自巡營秋來收殺矣未幾解任其後巡
相亦徑遞實無了當之路茲以仰告此非一二包
零瑣之物有難遽懇而其勢誠出於不得已幸商

量可否如何昨書發禱者卽此事也如欲相念則
必速圖然後可免朱牌受困耳○某家還穀昨年
蒙兄主防給得免困境今季亦多未輸催督日甚
云幸乞分付成送私通俾卽防給如何殆同每季
應給弟亦按例而仰乞幸勿嗔呵如何小紙錄數
以上如以太多爲嫌量宜處之亦幸矣○族弟家
還上特蒙緩督誠可感也然若欲以此責報則弟
之所托寧求勿施兄之所教實難聞命○三從弟
家還穀已畢納而不貽太守之憂耶

某人卽弟之再從而流寓某地契闊艱辛今方起舉

敗歸貧措大行囊枵然無以致身第雖略助而遠
路寸進必多窘乏之患幸乞隨力惠濟俾免客店
饑滯如何○某人卽弟三代世交其親愛可知以
某事下去貴府而貧不能齎糧幸以糧太從優帖
惠俾免客裏艱乏如何事係不難專恃奉托可諒
之也○某人方往某處路過貴府欲得糧費以免
狼狽幸須款接賜顏拔例覓給以生光色如何○
此去某卽此處詩豪也方赴遷某衙而素貧無資
行囊蕭然幸以如干糧太惠助數時之急俾免客
地齟齬之患如何○東牀某進士爲塋掃之行將

過境下而千里單騎行色草草所知治邑不得不
相資吾之女婚左右泛視則豈不有憾乎他無可
恃處尊須用力資助如何

助

胎

呈小紙卽切親問事也方遭親喪千里運柩其情
理切悲矣所煩懇者不至大毀幸望依此另施如
何垂惠於不報之地亦足爲仁政之一端更須曲
念焉○戚叔某官在任身故侍下情境令人慘矜
將以望前自任所運柩而還旣自備局發關護送
境內之道必不待提懇想已另念而素與此叔情
好至切第此專書以控更乞拔例曲念俾喪行與

眷屬獲免中路狼狽之患如何千萬切仰●喪行
到境遲速未可知預須擇定護喪校吏前期換候
宿所分定內外下處過店則設屏帳寬給糧太柴
馬草亦仰●胎紙即切親間事千里返朝情事可
矜幸望拔例顧恤俾爲喪家難忘之感如何○胎
呈小錄即知舊家所托而寒士之至無勢者也幸
另施之如何私通欲自喪家傳送此回付之幸矣
○再從家葬禮定於來某日而葬地即某地某洞
也墓閣祭廩三物幕以附近洞借材造給之意分
付私通於本邑俾免愆期狼狽之地如何○此小

護底

錄卽故某官夫人喪葬事也於弟爲再從大姑而
其家所托切緊幸須拔例另飭俾遂匍匐之義以
完人家大事如何○某家喪行賴令勤念得以無
事返葬可幸○役糧既有諾矣若得一包米及甘
醬少許則可以爲役依此題給如何

某邑新倅卽舊日同閨親熟者且其爲人精緊足任
百里而此等無勢弁倅若無營門庇護則難以爲
治幸望凡事隨處斗護無孤老友之懇托也○某
鎮新萬戶卽門下親愛之人而積仕數十年方得
薄鎮以去殊可念也幸望隨事庇護終始善視如

何○某別將某某之從姪而出入弟家舊矣積仕
軍門竟得薄地如非營門之顧視則其齟齬難保
必矣幸之隨事曲護俾免狼狽且於馳進之日特
賜顏色以爲生光之端如何○內兄某八年積仕
於軍門僅得一別將而去其行殆同謫客難免饑
餓望須優給糧太且卽忤問以生光色如何專恃
專恃○此外凡事看作帶率幕裨另加顧護則生
色大矣○某吏熟面也款曲使令如何○某事爲
入之可愛鄙家之親切前後屢托不知爲幾所恃
者令之遞來時矣今失所料則其爲無色尤當如

何易地則似不然諒之○某人深蒙令眷愛之恩
多感多感幸須一向善視如何

某家如干田畝在於某處而今年酷被水災殆無收
穫之望幸於執災時詳細看踏俾無白地徵稅之
患如何○治下某面昨冬新卜子婦葬地已入於
墓陳而面任輩責徵田稅云幸須嚴飭俾無橫侵
之地如何○某家即弟之切姻家也近日落鄉最
甚矜念方以田結防役之未納日被戶首之催督
家無外事主管之人實無從近備納之望所聞誠
甚悶然幸望特爲寬限俾令開春後備納之意分

付於該邑及戶首處以爲窮家安穩過歲之地如何○鄙庄某處亦入全災中居民離散目下安集之方來春種糧之資似必在軫念中故并此預告此實爲公而非爲此者諒之

仲姊家墓山在治下只一奴看守而見差都將之役將欲逃走寡居甥婦要一言周旋雖私囑不至大害於政幸命改之成給完文俾得保守如何○墓直某漢曾入兵營軍牢貽書兵使僅得頓下而前倅又充陸軍旋得頓下聞鄉所輩乘空官又勒定御營軍人心極痛惋先賢墓直多不過三人而每

混侵如此卽招鄉所責其任意充定之事仍給完
文俾絕日後宴侵之路如何事甚不難望須毋泛
必施也

族叔某親山在於治下某地其單青龍五十步之地
有一常漢偷葬急報來至而族叔則自北邑未及
上來其胤蒼黃下去聞甚驚惋既是士夫家先山
單青龍百步內則其曲直可知幸須善爲決處毋
至遷延之弊如何○此呈小錄卽連姻切親間也
常漢之偷葬士夫家山所局內已是變怪此等訟
理想必嚴斷而至於此漢則事係風化幸待呈狀

卽發官差先爲重治仍嚴囚督掘之地如何雖當
隆冬切勿饒貸刻期掘去如何

頑

此呈胎紙卽某家事也海西人心素稱悍悍至於苔

灘事而極矣前旣見逐不無意外之慮故茲煩溷
幸待呈議送特發嚴關重繩以懲頑習亦使士夫
家世守之物得以無失之地如何旣係風化之政
縷縷至此幸須另諒焉○胎告卽姪婿家事而大
關風化令人代憤覽此錄可悉幸痛治懲罪後掘
送如何○小紙所報卽鄙僚事也事理明白曲直
易下一覽其狀想有以嚴決某漢之屢訟屢屈猶

且誣籲者極可痛今番則必須照法痛治俾懲頑
濫之習如何○小紙覽後各別痛治如何無論事
之曲直卽是奴主之分則風化所關豈不拔例痛
懲耶

寒暄

五

侯魏謂
是故謂

矣其子孫各擁強兵列居重鎮不救君父
財而逃之入室財不可得而喪其所有必
反而烹其大利聖人禍之譬如悅盜賊之
南鞠為荆棘其智未足稱也夫德澤不能
寵叛人遂使臺城覆沒老而餒死江淮以
綱不立信佞臣之謀貪河南之地棄國紀
門之行屈身傾國以奉浮屠恩勝於威紀
謂恭儉寬惠之君矣然以萬乘之主為繫
其勤身約已好尚文雅樹循士大夫亦可



